

Komisioni për Mbrojtjen e Konkurrencës, në bazë të nenit 28 dhe nenit 19 paragrafi (1) pika 2) të Ligjit për Mbrojtjen e Konkurrencës („Gazeta Zyrtare e Republikës së Maqedonisë“ nr. 145/10, 136/11, 41/2014, 53/16, 83/18 dhe „Gazeta Zyrtare e Republikës së Maqedonisë së Veriut“ nr. 208/24 dhe 16/25), duke vepruar sipas njoftimit për përqendrim të parashtruar nga Ndërmarrja për Telekomunikacione Telekom Srbija Shoqëri Aksionare, Beograd, me seli të regjistruar në rrugën „Takovska“ nr. 2, Beograd, Republika e Serbisë, të dorëzuar përmes të autorizuarit Ognen Trajkovski nga Shkupi, në seancën e mbajtur më datë 18.02.2026, mori këtë:

AKTVENDIM

1. Konstatohet se përqendrimi me të cilin Ndërmarrja për Telekomunikacione Telekom Srbija Shoqëri Aksionare, Beograd, me seli të regjistruar në rrugën „Takovska“ nr. 2, Beograd, Republika e Serbisë, do të fitojë kontroll të drejtpërdrejtë individual mbi kapitalin themelor të SHOQËRISË PËR TELEKOMUNIKIME KABLLORE NEXT FIBER (NEXT FIBER) SHPK NOVI PAZAR, me seli të regjistruar në rrugën SAVE KOVAÇEVIQA 296, 36300 Novi Pazar, Republika e Serbisë, edhe pse bie nën dispozitat e Ligjit për Mbrojtjen e Konkurrencës, nuk do të ketë si pasojë pengimin, kufizimin ose cenimin e konsiderueshëm të konkurrencës efektive në treg ose në një pjesë thelbësore të tij, veçanërisht si rezultat i krijimit ose forcimit të pozitës dominuese të pjesëmarrësve, dhe është në përputhje me dispozitat e Ligjit për Mbrojtjen e Konkurrencës në kuptim të nenit 19 paragrafi (1) pika 2) të Ligjit për Mbrojtjen e Konkurrencës.

2. Detyrohet parashtruesi i njoftimit për përqendrim të paguajë taksë administrative për njoftimin e përqendrimit në shumë prej 6.000,00 denarë dhe për aktvendimin në shumë prej 30.000,00 denarë, sipas numrit tarifor 34 të Ligjit për Taksat Administrative („Gazeta Zyrtare e Republikës së Maqedonisë“ nr. 17/93, 20/96, 7/98, 13/01, 24/03, 19/04, 61/04, 95/05, 7/06, 70/06, 92/07, 88/08, 130/08, 6/10, 145/10, 17/11, 84/12, 192/15, 23/16 dhe „Gazeta Zyrtare e Republikës së Maqedonisë së Veriut“ nr. 151/21), në llogarinë e Buxhetit të Republikës së Maqedonisë së Veriut nr. 100000000063095, llogaria e pagesës 840...03161, kodi dhe programi i të ardhurave 72231300.

3. Padia për ngritjen e kontestit administrativ nuk e shtyn ekzekutimin e këtij aktvendimi.

A r s y e t i m

Në përputhje me dispozitat e nenit 15 të Ligjit për Mbrojtjen e Konkurrencës (në tekstin e mëtejshëm: Ligji), më datë 26.01.2026, në Komisionin për Mbrojtjen e Konkurrencës (në tekstin e mëtejshëm: Komisioni), u dorëzua njoftim për përqendrim nga shoqëria Ndërmarrja për Telekomunikacione Telekom Srbija Shoqëri Aksionare, Beograd, me seli të regjistruar në rrugën „Takovska“ nr. 2, Beograd, Republika e Serbisë, me të cilin Ndërmarrja për Telekomunikacione Telekom Srbija Shoqëri Aksionare, Beograd do të fitojë kontroll të drejtpërdrejtë individual mbi kapitalin themelor të SHOQËRISË PËR TELEKOMUNIKIME KABLLORE NEXT FIBER (NEXT FIBER) SH.P.K. NOVI PAZAR, me seli të regjistruar në rrugën SAVE KOVAÇEVIQA 296, 36300 Novi Pazar, Republika e Serbisë.

Komisioni filloi shqyrtimin e Njoftimit në ditën e pranimit të tij dhe, në bazë të të dhënave të paraqitura në Njoftimin për përqendrim dhe shtojcave të bashkangjitura, konstatoi si vijon:

Aktivitetet themelore afariste të ndërmarrjeve të përfshira:

- **Ndërmarrja për Telekomunikacione Telekom Srbija Shoqëri Aksionare, Beograd**, është operator i shërbimeve dhe rrjeteve të komunikimeve elektronike, i regjistruar për telekomunikime kabllore. Ajo ofron kryesisht shërbime të telefonisë fikse dhe mobile, internetit dhe shërbimeve multimediale në territorin e Republikës së Serbisë.

Ndërmarrja për Telekomunikacione Telekom Srbija Shoqëri Aksionare, Beograd ka shoqëri të lidhur në territorin e Republikës së Maqedonisë së Veriut:

-**Shoqëria për tregti dhe shërbime MTEL SHPKNJP Shkup**, me seli të regjistruar në rrugën „Maksim Gorki“ 11/1-3, Shkup, Qendër, në Republikën e Maqedonisë së Veriut, e regjistruar për veprimtari të telekomunikimeve me kablo, përkatësisht për ofrimin e shërbimeve në vijim: rrjet publik radiokomunikues, qasje me brez të gjerë në internet, shërbime ndërmjet operatorëve, shërbime telefonike publike të qasshme në rrjet publik mobil të komunikimeve, ritransmetim të shërbimeve programore televizive dhe shërbime satelitore.

Person i lidhur me Shoqërinë për tregti dhe shërbime MTEL SHPKNJP Shkup¹ është **Shoqëria për Telekomunikacione MTELMOBAJL SHPKNJP Shkup**. Shoqëria për Telekomunikacione MTELMOBAJL SHPKNJP Shkup vepron në tregun e ofrimit të shërbimeve mobile të komunikimeve elektronike (shërbim parapagese) dhe nuk u ofron përdoruesve të saj përfundimtar[shërbime mobile me kontratë (postpaid). Shoqëria për Telekomunikacione MTELMOBAJL SHPKNJP Shkup është operator rrjeti virtual mobil (ORRVM) në tregun maqedonas të komunikimeve elektronike dhe ofron shërbime kombëtare, ndërkombëtare dhe roaming për komunikim zanor, SMS dhe internet.

Gjithashtu, person i lidhur me Ndërmarrjen për Telekomunikacione Telekom Srbija Shoqëri Aksionare, Beograd në territorin e Republikës së Maqedonisë së Veriut është: **Shoqëria për tregti dhe shërbime TOTAL TV SHPK Shkup**, me seli në Bulevardin „Partizanski Odredi“ nr. 17, 1-001/Shkup – Qendër, Qendër, në Republikën e Maqedonisë së Veriut, e regjistruar për veprimtari – telekomunikime satelitore.

-**SHOQËRIA PËR TELEKOMUNIKIME KABLLORE NEXT FIBER (NEXT FIBER) SHPK NOVI PAZAR** është operator i shërbimeve dhe rrjeteve të komunikimeve elektronike, i regjistruar për ofrimin e qasjes në internet dhe shërbimeve të internetit, shpërndarjen e përmbajtjes mediatike dhe telefoninë fikse.

-**SHOQËRIA PËR TELEKOMUNIKIME KABLLORE NEXT FIBER (NEXT FIBER) SH.P.K. NOVI PAZAR** nuk ka persona juridikë të lidhur në territorin e Republikës së Maqedonisë së Veriut dhe as nuk ka realizuar të ardhura në atë territor.

Komisioni konstatoi se përqendrimi i paraqitur bie nën dispozitat e Ligjit për Mbrojtjen e Konkurrencës, pasi i plotëson kushtet e nenit 12 paragrafi (1) pika 2) dhe nenit 14 paragrafi (1) pikat 1) dhe 2) të Ligjit.

¹ Komisioni për Mbrojtjen e Konkurrencës, me aktvendimin nr. 08-31/2023 të datës 22.03.2023, miratoi përqendrimin me anë të të cilit MTEL SHPKNJP Shkup, me seli të regjistruar në rrugën Maksim Gorki nr. 11-1/kati 3, 1000 Shkup, do të fitojë kontroll mbi kompaninë NEOTEL SHPK Shkup, me seli të regjistruar në bulevardin Kuzman Josifovski-Pitu nr. 15, 1000 Shkup.

Komisioni, duke pasur parasysh kriteret nga neni 17 paragrafi (2), paragrafi (3) dhe paragrafi (4) i Ligjit për Mbrojtjen e Konkurrencës dhe pikën 6 b) të *Udhëzimeve për përcaktimin e rasteve në të cilat gjatë vlerësimit të përqendrimeve Komisioni për Mbrojtjen e Konkurrencës zakonisht do të konstatojë se ato janë në përputhje me Ligjin për Mbrojtjen e Konkurrencës*, vlerësoi se përqendrimi i njoftuar, edhe bie nën dispozitat e Ligjit, është në përputhje me të, sepse nuk do të ketë si pasojë pengimin, kufizimin apo shtrembërimin e ndjeshëm të konkurrencës efektive në treg ose në një pjesë thelbësore të tij, veçanërisht si rezultat i krijimit apo forcimit të pozitës dominuese të pjesëmarrësve.

Duke pasur parasysh këtë vlerësim të përqendrimit, Komisioni vendosi si në dispozitivin e këtij Aktvendimi, në përputhje me nenin 19 paragrafi (1) pika 2) të Ligjit. Në përputhje me nenin 53 paragrafi (2) të Ligjit, padia nuk e shtyn ekzekutimin e aktvendimit.

Udhëzim për mjetin juridik:

Kundër këtij aktvendimi mund të ngrihet padi për fillimin e kontestit administrativ pranë Gjykatës Administrative në afat prej 30 ditësh nga dita e pranimit të aktvendimit.

KOMISIONI PËR MBROJTJEN E KONKURRENCËS
KRYETARE

Mr. Малинка Силјановска Николиќ